



# PREZIDÉNSIA KONSELLU MINISTRUS

VIII GOVERNUN KONSTITUSIONÁL

## KOMUNIKADU IMPRENSA

### **Sorumutuk membru sira Governu Konstitusionál VIII nian iha loron 25 fulan-juñu tinan 2018**

Governu Konstitusionál VIII hala'o sorumutuk ba dala uluk iha loron-segunda ne'e, 25 fulan-juñu tinan 2018, iha Palásiu Governu, iha Dili.

Primeiru-Ministru, Taur Matan Ruak, hato'o ninia dezeju atu serimónia simu pose ba membru Governu Konstitusionál VIII nian sira seluk bele hala'o iha tempu badak nia laran atu nune'e Programa Governu nian no Orsamentu Jerál Estadu nian bele apresenta lalais ona.

Primeiru-Ministru garante katak Programa Governu nian sei hatuur iha kompromisu atu hadi'a kualidade moris povu nian, liuhusi dezvoltimentu área sosiál, infraestrutura, dezvoltimentu institusionál no ekonómiku.

Primeiru-Ministru husu ba membru Governu sira atubele halo pontu situasaun ida kona-ba kondisaun hirak ne'ebé oras ne'e iha, iha nivel patrimóniu, rekursus umanus no kontratu hirak ne'ebé halo ona atu nune'e bele garante planeamentu ida ne'ebé rigorozu no efikás ba mandatu Governu Konstitusionál VIII nian.

Ministru Estadu no Ministru Prezidénsia Konsellu Ministrus, Agio Pereira, apresenta ona Rejimentu Konsellu Ministrus nian no Rejime Jurídiku Gabinete Ministeriál sira nian ba Governu. **REMATA**



Palácio do Governo,  
Avenida Presidente Nicolau Lobato,  
Dili, Timor-Leste

[dndigovtl.09@gmail.com](mailto:dndigovtl.09@gmail.com)  
(+670) 33 310 608